

• sawcuenh •

Mehmbwk Co Ranz

□ Yiz Ciz / 余 执

It

Boux dwk dienhvah hawj gou dwg dahsau ndeu, de naeuz de dwg Siujlinz, de cam gou dwg mbouj dwg lij miz ranz okco dem.

Gou naeuz miz, ranz dwg gan dog, youq it laeuz, 30 geij aen bingzfueng, miz ranzdajcawj, miz rugdajcaemx, ndawranz gij doxgaiq sawjyung h cungj miz caez, mbouj yungh daiq maz doxgaiq, haeujdaej couh ndaej youq, haeujok gig fuengbienh, cei q hab bouxgeq youq. Siujlinz naeuz de couhdwg co ranz hawj bouxgeq youq.

Lajbyonghngoenz Siujlinz daeuj yawj ranzco. Seizneix daengngoenz aengfwdfwd, Siujlinz naeuz: “Baenz-neix ndat mbouj miz gunghdiuz baenzlawz youq ndaej?” Gou naeuz: “It laeuz liengz, mbouj yungh gungh-diuz ni, mbouj saenq mwngz haeujbae yawjyawj.”

Siujlinz daeuj daengz ndaw fuengz, yawj neix yawj haenx, lij aeu soujgih ingjsiengq dem. Gou cam: “Mwngz dwg co hawj daxboh dax-meh mwngz youq roxaeuz co hawj gyagoeng gyabuz mwngz youq?”

Siujlinz naeuz: “Gou dwg bang dah baengzyoux gou ra ranz, de yaek co ranz hawj daxmeh de youq.”

Siujlinz naeuz daxmeh baengz-youx de song aen rwz mbouj daiq singjsak, vunz gangj vah, de loq dingq ndaej nyi loq mbouj, diuz ga’ gvaz de gvez di, co ranz laeuz hwnjroengz sinhoj, mbouj fuengbienh, dah baengzyoux de youq baihrog dajgoeng dauq mbouj ndaej, heuh Siujlinz daeuj bang ra ranzco.

Siujlinz naeuz: “Haxbaenh gou dawz gij siengq aen fuengz mwngz fat hawj dah baengzyoux gou lo, de gig rimhoz. Gou seizneix bae cie p daxmeh de gvaqdaej yawjyawj, daxmeh de naeuz baenz youq, yaep dem gou couh caeuj mwngz dingh habdoengz, caemhcai q gyau ngaenz co hawj mwngz.”

Ngeih

Siujlinz daiq daxmeh baengzyoux de daeuj daengz lo, yah neix byoemgyaeuj ndaemndatndat, buhvaj seizhwng, saeknoh hoengzmaeq, yawj mbouj ok de ndaej geijlai bi. De byaij roen baez ndiengq baez ndiengq, gig dwgrengz. Aen bak de guiz gvaq

mbiengj he bae, gangj vah mbouj baez coenz, dingq gvaq geij coenz le cij loq rox de gangj maz.

“De dwg dieg dou boux mehmbwk cei q saunde i he bw,” Siujlinz gangj sat dep rwz gou gangj naeuz: “Ndae jhoengq gou cai q caeuj mwngz gangj gij goj de.”

Gou ngaekngaek gyaeuj. Cie pdaej Siujlinz couh caeuj gou dingh habdoengz, gou naeuz: “Ngaenz co it ndwen 300 maenz, lij aeu gyau ngaenzat 300 maenz, gij ngaenzat neix daengz seiz mbouj co ranz le gou cai q doi q dauq. Danghnaeuz mwngz mbouj co ranz lo, ngaenz dienh ngaenz raemx mwngz caengz gyau, gou couh youq gij ngaenzat neix gemj okdaej, lij lw geijlai couh doi q hawj mwngz geijlai. Ngaenz dienh ngaenz raemx baenz ndwen gyau baez, ciu q sawjyung h dohsoq bae suenq, mwngz yungh geijlai couh gyau geijlai.”

Siujlinz naeuz rox lo, rox lo. Siujlinz mbouj dwg boux co ranz, gou mbouj hab caeuj de ciem habdoengz. Gou naeuz: “Siujlinz, gou caeuj daxmeh baengzyoux mwngz ciem habdoengz cij deng, mwngz cam de aeu mbaw sinhfwnwng de daeuj hawj gou cij ndaej.”

Yah co ranz naeuz de mbouj daiq sinhfwnwng, gou cijndei caeuj dah-lwg de ciem habdoengz, dahlgw de heuhguh Siujcough, 1986 nienz okseng, seizneix de youq Gvangjcough aen gunghsw h hung ndeu hwnjban. De mbouj youq, gou couh heuh Siujlinz bang de ciem mingz.

“Seizneix byawz mbouj miz sinhfwnwng? Seizneix byawz okrog mbouj daiq sinhfwnwng?” Gienh saeh neix youq ndaw ukgyaeuj gou baenqciengq mbouj dingz. Gou caeuj Siujlinz ciem ndei habdoengz hawj gou ngaenz co le, gou cai q cim yah co ranz da he, roxnyinh meh neix hojlien z youh geizheih.

Gvaq yaep he, Siujcough daeuj dienhvah hawj gou, naeuz de yaek gya veihsin gou ndaej mbouj ndaej, de naeuz doxmeh de co ranz gou youq, gvaqlaeng lauhei q miz maz saeh aeu caeuj gou lienzhaeh, gou naeuz ndaej.

Sam

Yah buen daeuj ranzco youq lo, gou baebae dauqdauq gvaq naj ranzco

cungj aeu yawj da he, geij ngoenz gvaqbae cungj mbouj raen de hai dou gvaq. Gou gag naemj: Nanzdauh de cungj mbouj okrog gvaq ha.

Ngoenz ndeu, Siujcough naeuz daxmeh de mbwq lai, yaek hawj de cang aen densi ndeu, heuh gou gvaqbae yawjyawj densi ndaej cang youq gyawz, de lau boux cang densi luenh ding haeuj ciengz bae, dwk vai h aen ranz gou.

Gou daeuj daengz bakdou ranz co, bakdou haep dwk, gou roq dou geij baez, mbouj nyi miz vunz daeuj hai dou, caj yaep he gou cai q roq dou, hix mbouj nyi ndaw rug miz sing. Gou dwk dienhvah hawj Siujcough, naeuz hawj de. Siujcough danq gaemz hei q ndeu, naeuz: “Miz seizgan le gou cai q caeuj mwngz lwnh gij goj daxmeh gou, lwnh mwngz nyi de baenzlawz mbouj gamj hai dou. Seizneix gou dwk dienhvah hawj de, heuh de hai dou hawj mwngz gonq.”

Yah daeuj hai dou lo, raen gou daeuj daengz, de riuriu, gou naeuz gou daeuj guh gijneix gijneix. De mbouj hoiz vah, dawz bonj bouh he okdaej, gwnz cei j sij naeuz: Gou dingq mbouj raen mwngz gangj maz? Mwngz raiz saw hawj gou yawj ba.”

Gou raiz: Mwngz song rwz mbouj raeh, ga’ gvaz youh gvez, caencingq dwg boux ndangcanz ndeu, mwngz banh miz canzcizcwng lwi?

Mehmbwk naeuz: “Mbouj miz.”

Gou raiz: Seizneix cwngcwz ndei, boux rwznuk, boux dafangz, boux ga-gvez cij aeu bonj cwng dwg song gaep canzciz doxhwnj, cwngfuj bi he cungj hawj di ngaenzbouj he. Miz seizgan le, mwngz couh vai q bae banhcwng ba!

Mekmbwk dingq le, bi gyaeuj laglag naeuz: “Gou mbouj banhcwng, gou mbouj banhcwng.”

Gou youh sijsae q cim de da he, roxnyinh yah neix geizheih lailai, gou gag naemj: De itdingh fatseng gvaq maz saeh.

Seiq

Mehmbwk co ranz heuhguh Banh Gveivah, lij coz seiz noh hau loq gyaemqmaeq, aeu ndang ndaej ndang, aeu yiengh ndaej yiengh, gyoengq lwgmbauq bouxboux cungj daeuj ngaeh de, bouxboux naemj aeu de guh yah. Doeklaeng de haq hawj daegcoz gwnz haw ndeu, couhdwg

daxboh Siujcough.

Seizde, lajmbanj gungzhoj, gwn-daenj mbouj miz, bouxbmanj miz rengz hix mbouj rox bae gyawz ra cienz. Dahsau lajmbanj ndaej haq hawj boux gwnz haw, vunzmbanj bouxboux dajbak haenh, cungj naeuz Banh Gveivah mingh ndei, bohme h de miz fukheiq, gyoengq lwgmbauq lajmbanj cix ndaenq ndaej saihoz yaek dek, gyoengqde cungj nyinhnaeuz duzfungh ndaw roengq mbin okbae lo, hoeng bouxboux saej humz cix gaeu mbouj ndaej.

Aen ranz daeggvan Banh Gveivah youq gyang haw, miz aen laeuz 4 caengz buenq, caengz daihngaih doxhwnj dwg ranz youq, caengz daih-it hai diemq guh gaicawx, seng’ ei q gig ndei, ranz de gwn mbouj you , daenj mbouj hei q, youq ndaej onj.

Ndaw diemq gai dangz, bingj, ien, laeuj, gai haeux gai duh, lij gai gij doxgaiq ngoenz yungh. Banh Gveivah haq daengz ranz gvan le couh ngoenzngoenz youq ranz guh gaicawx, mbouj guh gvaq saek ngoenz hongnaek, de seng miz boux mbwk boux sai song lwg, couhdwg Siujcough caeuj daeggo de.

Miz ngoenz ndeu banringz, Banh Gveivah youq ndaw diemq dajleix seng’ ei q, miz boux vunz he gipgip muengzmuengz buet haeuj ndaw diemq daeuj, naeuz: “Daeglwg mwngz deng dienh dai lo, mwngz vai q bae yawj ba.”

Banh Gveivah dingq daengz neix, lumj banngoenz deng byaj bag dingigyaeuj nei, song da baez laep, song ga baez unq, laemx youq ndaw diemq.

Daeglwg Banh Gveivah ndaej 12 bi, ngoenzde bae henz dah guhcaemz, miz vunz youq ndaw dah aeu dienh dienh bya, mbouj rox baenzlawz yiengh couh oksaeh lo. Banh Gveivah ndiu gvaqdaej le couh daej, daej le youh ngunh gvaqbae……

Haj

Banh Gveivah baez laemx neix, bouxvunz de couh cai q hix mbouj cingsaenz lumj gaeuq, lij nanz mbouj nanz couh laemx baez ndeu. Baez nanz diuz ga’ gvaz de gvez lo, byaij roen mbouj baenz yamq lo.

(caengz sat)